

宗門統要續集卷第二

扶四

宋建溪沙門宗永集

元建康保寧禪寺住持沙門清茂續集

四祖下第一世

牛頭山法融禪師因四祖到山後菴見虎
便作怕勢扶四師云和尚猶有這箇扶四在祖云這箇
是什麼師於言下有省

雪竇顯代云但亦作怕勢又代云洎合放

過

四祖下第六世

宣州安國玄挺禪師嗣牛頭成因僧問五祖云真性緣起其義云何祖默然時師侍次乃謂大德正興一念問時是真性中緣起其僧言下大悟

續徑山果云未興一念問時不可無緣起
也時有僧云未興一念問時喚什麼作緣
起妙喜云我也只要你與麼道

潤州鶴林素禪師因僧敲門師問是什麼人
僧云是僧師云非但是僧佛來亦不著僧云
佛來為什麼不著師云無汝止泊處

舒州天柱崇慧禪師因僧問達磨未來此土時還有佛法也無師云未來且致即今事作麼生僧云某甲不會乞師指示師云萬古長

空一朝風月良久云會麼自己分上作麼生平他達磨來與未來事他家大似買卜漢見

汝不會為汝錐破卦文纔生吉凶盡在沙分上一切自看僧云如何是解卜底人師云汝纔出門時便不中也

四祖下第七世

杭州徑山國一欽禪師嗣因馬祖遣人送

書到書中作一圓相師發緘見遂於圓相中著一點却封回後忠國師聞乃云欽師猶被馬師惑

保福展云甚處是惑處作麼生得不惑去雪實顯云徑山被惑且致若扶將呈似國師

別作箇什麼伎倆免被惑去有老宿云當時坐却便休亦有道但與畫破若與麼祇是不識羞敢謂天下老師各具金剛眼睛廣作神通變化還免得麼雪實見處也要

諸人共知祇這馬師當時畫出早自惑了

也 五祖戒云兩彩一賽又云三人指路
擬何爲 滬山詰云諸人還識馬祖徑山
麼一點水墨兩處成龍國師道欽師猶被
馬師惑可謂千里同風不見道手執夜明
符幾箇知天曉

續徑山泉云馬師仲冬嚴寒國一孟夏漸
熱雖然寒熱不同彼此不失時節忠國師
因甚却道欽師猶被馬師惑還委悉麼無
風荷葉動決定有魚行

四祖下第八世

杭州鳥窠道林禪師胡惟山欽因白居易問如何
是佛法大意師云諸惡莫作衆善奉行白云
三歲孩兒也解與麼道師云三歲孩兒雖道
得八十翁翁行不得白遂作禮

師因侍者會通一日作辭師乃問汝今何往

通云某甲爲法出家和尚不垂慈誨今往諸
方學佛法去師云若是佛法吾此間亦有少
許通云如何是和尚此間佛法師於身上拈
起布毛吹之侍者因而有省

大滬秀云可惜這僧認他口頭聲色以當

平生殊不知自己光明蓋天蓋地
續神鼎誣舉了遂於身上拈布毛示大眾
隨後一吹云會麼久後不得孤負老僧
徑山杲云鴻山與麼批判也未夢見鳥窠
在

五祖下第一世

袁州蒙山道明禪師因赴廬行者至大庾嶺
行者見師至即擲衣鉢於石上云此衣表信
可力爭耶任君將去師遂舉之如山不動腳
跔悚慄乃云我來求法非爲衣也願行者開

示祖云不思善不思惡正與麼時阿那箇是
明上座本來面目師當下大悟遍體汗流泣
淚作禮問云上來密語密意外還更有意旨
不祖云我今與汝說者即非密也汝若返照
自己面目密却在汝邊師云某甲雖在黃梅
隨衆實未省自己面目今蒙指授入處如人
飲水冷暖自知今行者即是某甲師也粗云
汝若如是則吾與汝同師黃梅善自護持
嵩山慧安國師因僧坦然問如何是祖師西
來意師云何不問取自己意然云如何是自

已意師云當觀密作用然云如何是密作用
師以目開合示之坦然言下知歸

五祖下第二世

嵩山破竈墮和尚同安因僧從牛頭處來乃
問來自何人法會僧近前又手達師一帀而

扶四

出師云牛頭下不可有此人僧乃過師左邊
又手而立師云果然果然僧却問應物不由
他時如何師云爭得不由他僧云與麼則順
正歸原去也師云歸原何順僧云若非和尚
幾錯招愆師云猶是未見四祖時道理也見

後通將來僧却達師一帀而出師云順正之
道古今如然僧作禮而退

師因嵩山塢有廟甚靈殿中唯安一竈遠近

不輟祭祀師以杖敲竈三下云咄此竈只是
泥瓦合成聖從何來靈從何起恁麼烹宰物
命又打三下竈乃傾破墮落須臾有青衣義
冠設拜云我本此廟竈神久受業報今蒙禪
師說無生法得脫此處生天特來致謝師云
是汝本有之性非吾強言神再拜而沒後僧
問師某甲久侍左右未蒙方便竈神得何宗

旨便乃生天師云我只向伊道是泥瓦合成
別也無道理爲伊僧佇思師云會麼僧云不
會師云本有之性爲甚不會僧作禮師云墮
也墮也破也破也後有舉似安國師國師歎
云此子會盡物我一如可謂如朗月處空無
次四
不見者難擡伊語脉

五

五祖下第三世
嵩山峻極禪師嗣法因僧問如何是大修行
底人師云擔枷負鎖僧云如何是大作業底
人師云修禪入定僧無語師乃云爾問我善

善不從惡爾問我惡惡不從善所以道善惡
如浮雲起滅俱無處僧於言下契悟後破竈
墮間舉刀云此子會盡諸法無生

續薦福懷云前頭則官不容針後面則私
道車焉若能辨得許你具擇法眼 脊覺

勤云窮善善自何來究惡惡從何起有問
崇寧如何是大修行底人對他道修禪入
定如何是大作業底人對他道擔枷負鎖
且道是同是別

終南山惟政禪師嗣法因唐文宗帝好嗜蛤

剎沙海官吏迤進亦勞一日御饌中有璧不

開者帝以爲異因焚香禱之乃開即見菩薩
形梵相具足帝遂貯以金栗檀香合覆以美
錦賜興善寺衆僧瞻禮乃問羣臣此何祥瑞
因詔師問師云臣聞物無虛應此乃啓陛下

信心耳故契經云應以此身得度者即現此
身而爲說法帝云菩薩身已現且未聞說法
師云陛下覩此爲常耶非常耶信耶非信耶
帝云希奇之事朕深信焉師云陛下已聞法
竟帝大悅勑天下寺立觀音像

六祖下第一世

溫州永嘉宣覺大師初至曹溪乃達繩牀三
市振錫而立祖云夫沙門者具三千威儀八
萬細行大德何方而來生大我慢師云生死
事大無常迅速快口祖云何不體取無生了無速

手師云體本無生了本無速祖云如是如是
師方具威儀作禮須臾告辭祖云返大遠乎
師云本自非動豈有速耶祖云誰知非動師
云仁者自生分別祖云爾甚得無生之意師
云無生豈有意耶祖云無意誰當分別師云

分別亦非意祖云善哉善哉少留一宿

雪竇顯舉至我慢處便喝云當時若下得
這一喝免見龍頭蛇尾又向卓然而立處
代祖云未到曹溪與你三十棒了也

婺州玄策禪師因到河北隍禪師菴乃問仁

者在此多少時隍云二十年師云習何事
雲入定師云入定者爲有心入耶無心入
耶若無心入者一切無情草木瓦石應合得
定若有心入者一切有情含識之流亦應得
定隍云我正入定時則不見有有無之心可

入師云旣不見有有無之心可入則是常定
云何更有出入隍乃杜詞復問仁者之師是
誰耶師云是曹溪能和尚隍云仁者師說何
法以爲禪定師云我師所說六根非有四大
本空妙湛圓寂體^{體四}自如如不出不入不定不
亂禪性無生離生禪相禪性無住離住禪定
心如虛空不見虛空之量隍不省師云汝速
往曹溪

洛京荷澤神會禪師到思和尚處思問什麼
處來師云曹溪來思云曹溪意旨如何師振

身而立思云猶帶瓦礫在師云和尚此間莫有真金與人不思云設有與汝向甚處著

玄沙備云果然 翠巒芝云真金瓦礫錯

下名言如今喚作什麼

天聖奉云神會

若不見思師焉知瓦礫思和尚被他一問

直得額頭汗出口裏膠生

續雲居錫云只如玄沙道果然是真金是

瓦礫

西京惠忠國師因西天大耳三藏到京云得他心通肅宗命國師試驗三藏纔見師乃禮

拜立于右師問汝得他心通耶藏云不敢師云汝道老僧即今在甚麼處藏云和尚是一國之師何得去西川看競渡師良久再問汝道老僧即今在甚麼處藏云和尚是一國之師何得向天津橋上看弄猢猻師至第三次問通在什麼處三藏無對

玄沙備徵云汝道前兩度還見麼 雪窓顯云敗也敗也 仰山寂云前兩度是涉境心後入自受用三昧所以不見 趙州

諗因僧問大耳三藏第三度不見國師未
審國師在甚處州云在三藏鼻孔裏後僧
問玄沙既在三藏鼻孔裏因什麼不見玄
沙云只爲太近白雲端云國師若在三
藏鼻孔裏有什麼難見殊不知國師在三

法四

藏眼睛裏

續翠巖芝云只如三藏還見國師鼻孔麼
師一日喚侍者侍者應諾如是三召三應師
云將謂吾孤負汝却是汝孤負吾
趙州諗云如人暗中書字字雖不成文彩

已彰雪竇顯拈便喝投子同云抑逼人
作麼雪竇云染根漢玄沙備云却是侍
者會雪竇云停因長智雲門偃云作麼
生是吾孤負汝處若會得也是無端雪竇
云元來不會雲門又云作麼生是侍者孤
負國師處粉骨碎身未報得雪竇云無端
無端法眼益云且去別時來雪竇云謾
我不得興化契云一盲引衆盲雪竇云
端的瞎有人問雪竇便打也要諸方點檢
報慈遂問僧云甚處是侍者會處僧云若

不會爭解與麼應遂云汝少會在又云若於此見得便識玄沙 翠巖芝云國師與侍者總欠會在如今怎生會 雪竇云國師三喚侍者點即不到侍者三應到即不點又云將謂吾孤負汝却是汝孤負吾謾扶口

雪竇不得

續雲居錫云且道侍者會不會若道會國師又道汝孤負吾若道不會玄沙又道却是侍者會且作麼商量

師因洞山問如何是古佛心師云墻壁瓦礫

是洞云墻壁瓦礫豈不是無情師云是洞云無情還解說法不師云常說熾然說無間歇洞云什麼人得聞師云諸聖得聞洞云和尚還聞不師云我不聞洞云和尚既不聞爭知無情解說法師云賴我不聞我若聞則齊於諸聖汝則不聞我說法洞云與麼則衆生無分也師云我爲衆生說不爲諸聖說洞云衆生聞後如何師云即非衆生洞云無情說法據何教典師云灼然言不干典非君子之所談汝豈不見華嚴經云刹說衆生說三世一

時說洞山後到瀉山山間承聞价閣黎曾問

國師無情說法是不洞云是瀉云試請舉看
洞便舉瀉云我這裏也有祇是罕遇其人洞
云便請瀉山以拂子點一點洞云請和尚爲
某甲說瀉云父母所生口終不爲汝說洞云

和尚此間還有同年慕道者麼瀉云此去灑
陵縣側石室有雲巖道人子若問他必爲子
說洞到雲巖請益前話巖云不見彌陀經云
水鳥樹林悉皆念佛念法洞因而有省乃述
頌云也大奇也大奇無情說法不思議若將

耳聽終難會眼處閒聲方得知

唐肅宗帝問師百年後所須何物師云與老
僧造箇無縫塔帝曰請師塔樣師良久云會
麼帝云不會師云吾有付法弟子耽源却諳
此事請詔問之後詔源問源乃有頌云湘之

禁四

十

南潭之北中有黃金充一國無影樹下舍利
船瑠璃殿上無知識

雪寶顯云肅宗不會且致耽源還會麼祇
消箇請師塔樣盡西天此土諸位祖師遭
這一拶不免將南作北有傍不肯底出來

我要問你那箇是無縫塔

續神鼎誣云前來國師作用不能明了次
問耽源源恁麼頌且道盡善不盡善神鼎
與你諸人下四轉語湘之南潭之北君臣
有路中有黃金充一國淨妙體圓無影樹
下合同船千聖同轍瑠璃殿上無知識凡
聖路絕若與麼會去必不相賺神鼎與麼
註解只是孤負國師保寧勇云所謂非保寧勇云
父不生其子雖然如是謾肅宗一人即得
爭奈天下衲僧眼何且道那箇是衲僧眼

便下座 五祖演云衆中道國師良久殊

不知懸鼓待槌當時肅宗若是作家君王
待伊教詔耽源但向道國師何必後詔耽
源源呈頌云云代云閑言語

師問座主講什麼經主云唯識論扶四師云作麼
生會唯識論主云三界唯心萬法唯識十一師指
簾云這箇是什麼法主云色法師云大師簾
前賜紫對御談經何得五戒不持
師因紫璘法師云請禪師立義某甲破其甲立義禪師破今請師立義師云立義已了紫

云是什麼義師云果然不見
師因丹霞來叅纏展坐具師云不用不用霞
退後三步師云如是如是霞進前三步師云
不是不是霞遠禪牀一帀出去師云去聖時
遯人多懈怠三十年後覓箇漢也難得

保福展云丹霞貪程不覺行困 滬山詰
云丹霞可謂懷藏至寶遇智者乃增輝國
師鴻門大啓陟者須是奇人如今還有爲
丹霞作主者麼出來與大鴻相見有麼不
是龍門客切忌遭點額

西 蔣山慤云賓主相見欲展不展退後
進前禮過成詭猶幸南陽老而不耄 東
禪觀云明鏡當臺胡來胡現漢來漢現霜
鐘在架大扣大鳴小扣小鳴一卷一舒一
擒一縱可謂照用兩全行說俱到且如國

師道去聖時遙人多懈怠三十年後討箇
師僧也難得畢竟是褒是貶

師因肅宗問師在曹溪得何法師云陛下還
見空中一片雲靡帝云見師云釤釤者懸掛
著

五祖戒云好事不如無

共四

十二

師因虞軍容問師住白崖山如何修行師喚
童子以手摩頂云惺惺直言惺惺歷歷直言
歷歷向後莫受人謾軍容無語

保福長云國師著一問直得手忙腳亂

師

續天童華云侍者喫棒出院蓋千載一時
然歸宗豈免眼熱丹霞固雖好手爭奈落
在國師網子裏諸人還辨得麼苟或未然
猶握金鞭問歸客夜深誰共御街行徑

山策云國師幸曰高眠侍者播揚家醜不
因多口丹霞爭見國師等吼敢問大眾國
師既在爲什麼不見客向這裏見得破非
唯知耽源落節亦見自己有出身之路雖
然如是莫將閑學解埋沒祖師心

法四

十二

師問南泉甚處來泉云江西來師云還將得

馬師真來不泉云祇這是師云背後底泉休
去有云東寺或云百丈問南泉

長慶稜云大似不知保福展云幾不到
和尚此間五祖戒云和尚於此路熟

得經

續鴻山果云供奉先鋒有作殿後無功當
時纔見國師問此是什麼義只對云草本
不勞拈出踢倒便行直饒國師通身是口
也無說處

師因僧問如今和尚亦言即心是佛諸方尊宿亦言即心是佛那得有異乎和尚爲人天師豈合自是非他必有其故請示所以師云夫法有名異體同或名同體異因茲濫矣只如菩提涅槃真如佛性是名異體同真心妄心佛智世智是名同體異緣諸家錯將妄心便爲真心如人認賊爲子又將世智稱爲佛智猶如魚目而亂明珠不可雷同事須甄別耳僧問如何離得此過師云你但向自身心中子細返觀五陰十八界十二處一一推窮

明招謙代云昔日靈山今日親見
有什麼物僧云今向身心中子細推窮無二法可得師云你壞身心相耶僧云身心性離寧有壞乎師云身心相外更有物不僧云身尚無外寧有物師云你壞世間相耶僧云世間相即無相何用壞乎師云若然者即免過矣

扶四

續鴻山累云鴻山要問明招昔日靈山今日親見畢竟是什么若下得這一拶縱使通身是眼未免一狀領過

師曾問紫璘供奉甚處來奉云城南來師云城南草作何色奉云作黃色師乃問童子城

南草作何色子云作黃色師云祇這童子亦可簾前賜紫對御談玄

鴻山詰云國師與麼問供奉與童子與麼答且道還有利害麼若也辯得許你親見國師若也未會城南草依前作黃色

師問僧近離什麼處僧云南方師云南方知識以何法示人僧云南方知識祇道一朝風火散後如蛇退皮如龍換骨本爾真性宛然無壞師云苦哉苦哉南方知識說法半生半滅僧云南方知識即如此未審和尚此間說共二何法師云我此間身心一如身外無餘僧云和尚何得將泡幻之身同於法體十三師云你爲什麼入於邪道僧云什麼處是某甲入於邪道處師云不見教中道若以色見我以音聲求我是人行邪道不能見如來

雲門偃舉云身心一如身外無餘山河大地何處有耶 神鼎誣云若據這僧與麼道傳語也未解莫累及知識據國師與麼道亦是龍頭蛇尾前來身心一如向什麼處去也試點檢看

續浮慈昌云這僧當時待國師道若以色見我以音聲求我是人行邪道不能見如來但云苦哉苦哉大小國師半生半滅 東禪觀云國師與這僧即色聲相見離色聲相見若離色聲相見何異南方知識半

生半滅若即色聲相見又道色見聲求是行邪道衆中莫有爲國師作主者麼我要問你既是身心一如身外無餘泡幻之身爲什麼不同法體

師因麻谷持錫到乃振一下卓然而立師云汝既如是何用見吾谷又振錫一下 雪竇顯別云洎不到此

師因同肅宗到宮前乃指石師子云陛下這石師子奇特下取一轉語帝云朕下語不得請師下語師云山僧罪過後就源問師云皇

帝還會麼師云皇帝會且致你作麼生會

玄沙備云大小國師被侍者勘破

師因西堂藏與馬祖馳書至師問女師說什

麼法藏從西過東立師云祇這箇別更有藏
扶四

十六

却過西立師云這箇是馬師底仁者底作麼

生藏云早箇呈似和尚了也

保福展云西堂埋沒大師不少

師因肅宗問如何是十身調御師乃起立云
還會麼肅宗云不會師云與老僧過淨餅來
六祖下第二世

吉州耽源山真應禪師嗣中與百丈在泐潭
推車次師問卓在這裏牛在什麼處丈以手
研額師以手拭目

師遊方回省覲馬祖却於祖前畫一圓相就
上禮拜祖云沒莫欲作佛不師云某甲不解
程目祖云吾不如汝

雪竇顯云然猛虎不食其子爭奈來言不

豐諸人要識耽源麼即是箇藏身露影漢
師因第二世麻谷問十二面觀音豈不是聖
師云是谷便與師一摑師云知汝未到此境

答
問麻谷師

師問國師百中後有人問極則事作麼生國
師云幸自可憐生須要箇護身符子作麼

五祖戒云和尚終是老婆心切

續保寧勇云粉骨碎身難報此恩大鴻

泰云大小耽源被國師一坐直至如今起

不得若是古德即不然待國師道幸自可

憐生須要箇護身符子作什麼只向他道
暗中爲照燭陰處作津梁

師因仰山入門畫一圓相以手托呈却叉手

而立師乃以兩手交過握拳示之仰山進前
三步作女人拜師點頭而已

應化賢聖

佛陀波利尊者游臺山到忻州見一老人問
向甚麼處去者云臺山禮文殊去老人云大
德見文殊還識不尊者無對

汾陽昭代云今日慶幸

尊者又到山中見一老人云尊者何來者云
西國來老人云還將得佛頂尊勝經來不若
云不將得來老人云空來何益尊者遂回

大陽玄云當初下得甚麼語得見文殊不
回西天乃云但展兩手似伊

秦跋陀禪師佳處嘗訪生法師乃問居常說

何經論生云說大般若經師云作麼生說色
空義生云衆微聚曰色衆微無自性曰空師

云衆微未聚喚作什麼生因措師又問別說
何經論生云說大涅槃經師云如何說涅槃
之義生云涅而不生槃而不滅不生不滅故
曰涅槃師云這箇是如來涅槃那箇是法師
涅槃生云涅槃之理豈有二耶乃云某甲祇

如此禪師如何說涅槃師乃拈起如意云還
見麼生云見師云見箇什麼生云見禪師手
中如意師以如意擲向地上云還見麼生云
見師云見箇什麼生云見禪師手中如意隨
地師斥云觀公見解未出常流何得名喧宇
宙乃拂衣而去其徒懷疑不已乃逐師押問
扶四十八云我師說色空涅槃義俱不契未審禪師如
何說色空義師云不道汝師說不是私說得
果上色空不會說因中色空徒云如何是因
中色空師云一微空故衆微空衆微空故一

微空一微空中無衆微衆微空中無一微

汾陽昭代云休葛藤

耶舍尊者嘗訪廬山遠法師遠問如何是道

尊者云無人能會遠云此間有五百聽徒其中
有碩學高流豈無一人會耶尊者乃笑遠

復問如何是道尊者拈起如意示之云見麼
遠云見尊者云見箇甚麼遠云見尊者手中
如意尊者遂將如意擲向地上云還見麼遠
云見尊者云見箇什麼遠云見尊者手中如
意墮地尊者却收起如意云見即不見還見

麼遠問措尊者斥云觀公見解未出常流何
得名喧宇宙乃拂衣上紫霄峯

五祖戒云耶舍遠公見道也未

波羅提尊者因異見王問何者是佛者云見
性是佛王云扶師見性不者云我見佛性王云

性在何處者云性在作用王云是何作用我
今不見者云今見作用王自不見王云於我
有不者云王若作用無有不是王若不用體
亦難見王云若當用時幾處出現者云若出
現時當有其八在胎爲身處世名人在眼曰

見在耳曰聞在鼻著香在舌談論在手執捉
在足運奔徧現俱該沙界收攝在一微塵識
者知是佛性不識喚作精魂王聞心即開悟
寶誌公和尚問一梵僧承聞尊者喚我作屠
兒曾見我殺生不曾云見公云有見見無見
見不有不無見見若有見見是凡夫見無見
見是聲聞見不有不無見見是外道見未審
尊者如何見僧云你有此等見耶

汾陽昭代云不枉西來
師或云終日拈香擇火不知身是道場玄沙

云終日拈香擇火不知真箇道場

雪竇顯云一對無孔鐵鉗

續昭覺勤云終日拈香擇火不知拈香擇

火

南嶽慧思和尚因誌公令人傳語云何不下

山教化衆生目視雲漢作麼師云三世諸佛
被我一口吞盡何處更有衆生可教化

五祖戒云更說道理看報慈遂徵云且

道山上語山下語雪竇顯云有什麼屎
臭氣瑯琊覽云驗人端的處翠巖芝

云思大祇見錐頭利不見鑿頭方 色蕉
徹云更進一步又云雖是入泥入水幾人
攜得 天聖泰云思大祇知閉口寶公平
地喫交

續雲居舜云思大和尚寶公未傳語時猶
較些子 保寧勇別思大云傳語法師合
取狗口

天台智者大師在南嶽誦法華經至華王品
云是真精進是名真法供養如來於是悟法
華三昧獲旋陀羅尼見靈山一會儀_外未散

明州布袋和尚常在通衢立有僧問和尚在
這裏作甚麼師云等箇人來僧云來也師遂
於懷中取一橘子度與僧擬接師乃縮手云
汝不是這箇人

師因僧問如何是祖師西來意師放下布袋
叉手而立僧云祇此別更有在師拈起布袋
放肩上而去

師有時見僧前行乃撫僧背一下僧回首師
云把一錢子來
師嘗將布袋并破席一領於通衢往來布袋

內盛鉢盂木履魚飯菜肉瓦石土木諸般總有或於稠人處打開布袋內物撒下云看看又一一將起問人云這箇喚作什麼

續瑤琊覺云慈氏菩薩 昭覺勤云熟處難忘

便是我同流若不去不是我同流山云你去遊作什麼師云禮文殊山云你不是我同流恭四翠巖芝云大似辯才見蕭翼

寒山子因僧衆炙茄次山却將茄弗向一僧背上打一下僧回首山呈起茄弗云是什麼

僧云這風顛漢山却向傍僧云你道這箇師僧費却多少鹽醬

天台豐干禪師因寒山子問古鏡不磨時如何照燭師云冰壺無影像猿猴探水月山云此是不照燭也更請道師云萬德不將來教我道什麼寒山捨得俱作禮而退師欲去遊五臺向寒山捨得云你共我去遊

續寶峯文云寒山打這僧實爲費鹽醬多莫別有道理 黃龍清云寒山子只知這僧費多少鹽醬不知自己拋撒更多且道

什麼處是拋撒處良久云十分世界成狼
藉一日收來五味全

寒山因趙州到天台行次見牛跡山乃問上
座還識牛麼州云不識山指牛跡云此是五
百羅漢遊山州云既是羅漢爲甚麼作牛去

山云蒼天蒼天州呵呵大笑山云笑作什麼
州云蒼天蒼天山云這小廝兒却有大人之
作或曰南泉
大同小異

寒山預知鴻山來國清受戒遂與捨得桂松
門接鴻山纔到二人從路兩邊透出作大蟲

吼三聲鴻山屹然無對寒山云自從靈山一
別迄至于今還相記麼鴻山無對捨得拈起
桂杖云老兄喚這箇作什麼鴻山又無對寒
山云休休不用問他自從別後已曾三生作
國王來總忘却也

天台捨得一日掃地次寺主問汝名捨得因
扶四
豐干捨得汝歸汝畢竟名箇什麼姓箇什麼
捨得放下掃箇又手而立主再問捨得拈起
掃箇掃地而去寒山椎骨云蒼天蒼天捨得
却問汝作甚麼山云豈不見道東家人死西

家人助哀二人乃作舞笑哭而出
黎州善慧大士因梁武帝請講經士纔陞座
以尺指按一下便下座武帝愕然誌公乃問
陛下還會麼帝云不會公云大士講經竟
白雲端云傳大士與誌公被武帝一狀領

過

續汾陽昭云講得甚好 本覺一云傳大
士已是葛藤誌公重下註脚諸人如今樂
聞麻良久云兩段不同 老宿云大士不
得誌公洎成虛棄

大士一日披衲頂冠報履朝見梁武帝帝問
是僧耶士以手指冠帝云是道耶士以手指
報復帝云是俗耶士以手指衲衣

汾陽昭代云大士多能
續五祖戒云笑殺傍觀

三

大士或云夜夜抱佛眠朝朝還共起起坐鎮
相隨語默同居止纖毫不相離如形影相似
欲識佛去處雪寶云三生六十劫祇這語聲是

玄沙備云大小傳大士祇認得箇昭昭靈
靈 報慈遂徵云且道他認不認若認他

又是補處彌勒不可認也若不認玄沙又與麼道不可徒然 雪竇顯云天下衲僧跳不出直饒口掛壁上漢別有一竅勘過了打又云玄沙也是打草蛇驚 翠巖芝云認與不認來年更有新條在擾亂春風卒未休 蘭福懷云誰有單于調換取假銀城良久云曾被雪霜苦楊花落也驚續九峯勤云大小傳大士奈一法中而有異九峯即不然夜夜困即眠朝朝覺即起洞山聰云九峯和尚是大力量人言不虛

發洞山道困來即便眠覺來即便起只如你衲僧家白日還打睡麼雖然如是三十年後且莫和泥合水 法昌遇云此是古佛垂慈不無方便爭奈善因而招惡果傳大士如張漫天網羅龍打鳳奈何鱗甲羽毛總在裏許逃生無路若是靈禽異獸決定別有生涯 保寧勇云大眾傳大士此頌古今不墜一切人知向此營地者亦多錯會者不少玄沙云大小傳大士只認得箇昭昭靈靈洞山聰云且道衲僧家自裏

還曾睡也無此兩轉語誰言世上無仙客
須信壺中別有天保寧亦有一頌要眠時
即眠要起時即起水洗面皮光啜茶濕却
箇大海紅塵飛平地波濤起阿呵阿呵呵
羅哩哩羅哩

廿四

廿四

未詳嗣法

先淨照禪師問楞嚴大師云經中道若能轉
物即同如來若被物轉則名凡夫只如昇先
閣作麼生轉
汾陽昭代云彼此老大

殊云前三三後三三

汾陽昭代云識得你

續雪峯存問靈雲云古人道前三三後三
三意旨如何靈雲云水中魚山上鳥雪峯
云意作麼生會靈雲云高可射弓深可釣

無著和尚送供往臺山丈殊相迎次問大德
從何方而來師云南方殊云南方佛法如何
住持師云末法比丘少奉戒律殊云多少衆
師云或三百或五百師却問和尚此間如何
住持殊云凡聖同居龍蛇混雜師云多少衆

徑山果云當時若見只向他道和尚如是
住持直是不易天童傑云大衆或三百
或五百置之勿論只如文殊道前三三後
三三如何話曾良久云竹影掃階塵不動

月穿潭底水無痕

師喫茶次文殊拈起玻瓈盞問南方還有這
株四箇麼師云無文殊云尋常將什麼喫茶師無
對

洞山价代辰兩手云有無且置借取這箇
看得否曹山章代云久承大士按劍爲

什麼處在一塵長慶稜代云若與麼瘦
客勸主人瑣瑣覽云若也是去可謂虎
口裏奪食若也不是去移舟諳水勢舉棹
別波瀾

續汾陽昭云謝顧問

師因日晚遂問文殊云擬投一宿得不殊云
你有執心在不得此宿師云某甲無執心殊
云你受戒不師云受戒久矣殊云你若無執
心何用受戒師遂辭退均提童子送師出師
云適來和尚道前三三後三三是多少童子

召云大德師回首童子云是多少。

洞山仰云欲觀其父先觀其子

續汾陽昭於何用受戒處云悔出前言於童子道是多少處云識得你

師又見化寺無額問童子此寺名甚麼童子以手指金剛背後云看看師回首化寺乃隱

續汾陽昭云辯才遇蕭翼

師去五臺逢一老人師問莫是文殊不老人云豈有二丈殊師遂作禮忽然不見一本日
豐干

趙州諭代云文殊文殊 薦福懷云無著

只有先鋒且無殿後老人若不隱身去有甚麼面見無著

公期和尚因往羅漢路逢一騎牛公子師問羅漢路向甚麼處去公拍牛云道道師喝云這畜生公云羅漢路向甚麼處去師却拍牛

扶西

云道道公云直饒與麼猶少棒喫在師便打公子便拍牛走

蟾首座問洞山佛真法身猶若虛空應物現形如水中月作麼生說箇應底道理洞山云如驢覲井蟾云是則是只道得八成山云首

座作麼生蟾云如井觀驢

有本云紙衣道者
驢同德上座或謂洞

山間
曹山

錢唐鎮使在界上爲鎮將時問僧其或相契即留止宿一日因二僧至遂問近離甚處云江西馬大師處云馬師有什麼方便僧云道即心是佛便被揖出又有二僧到亦如前問僧云非心非佛亦被揖出不得止宿

麼話許云今日放衙澄云聞說是答泗洲大聖在揚州現底話是不許云別點茶來澄云名不虛傳元來是作得主許云和尚早晚回山去澄云今日被上藍觀破上藍便喝澄云須是你始得許云勿奈船何打破犀斗

扶四

十七

郎中入上藍僧堂問首座年多少座云六十八歲許云僧臘多少座云四十七夏許云聖僧得幾夏座云與虛空同受戒許拍禪牀板頭云下官喫飯不似首座喫鹽多

洪州太守許式郎中見洪州雞足山主因與上藍溥

和尚泐潭澄和尚三人坐次澄云承郎中云夜坐連雲石春裁帶雨松當時是答洞山什

帝云既是寡人經爲甚麼在卿手裏僧無對

雪竇顯代云皇天無私惟德是輔

帝幸開寶塔問僧卿是甚人僧云塔主帝云

寡人塔爲什麼卿作主僧無對

雪竇顯代云盍國咸知

帝因僧朝見乃問卿是甚處僧僧云廬山卧

雲叢帝云卧雲深處不朝天爲甚到此

雪竇顯代云難逃至化

帝因僧奏燒却藏經欲乞宣賜帝宣問昔日

摩騰不燒如今爲甚却燒僧無對

雪竇顯代云陛下不忘付囑

亡名古宿

帝嘗夢神人報云請陛下發善提心帝早旦

宣問左右街苦提心作麼生發

昔有老宿一夏已來並不爲師僧說話有僧

雪竇顯代云實謂古今罕聞

帝因僧朝見乃云陛下還記得臣僧麼帝云甚處相見來僧云靈山一別直至如今帝云

卿以何爲驗僧無對

雪竇顯代云貧道得得而來

帝因僧奏燒却藏經欲乞宣賜帝宣問昔日

摩騰不燒如今爲甚却燒僧無對

雪竇顯代云陛下不忘付囑

亡名古宿

帝嘗夢神人報云請陛下發善提心帝早旦

宣問左右街苦提心作麼生發

自歎云我只與麼空過一夏不敢望和尚說
佛法得聞正因兩字也得老宿聊聞乃云閻
黎莫贊速若論正因一字也無與麼道了叩
齒云適來無端不合與麼道隣壁有老宿聞
乃云好一金糞被兩顆鼠糞汙却

共四
報慈遂徵云且道讚歎語不肯語若是讚
歎爲甚道鼠糞汙却若不肯他有什麼過

驗得麼 雪竇顯云誰家鍋金無一兩顆
續黃龍清云二老宿只見錐頭利不見鑿
頭方只如這僧道不敢望和尚說佛法得

聞正因兩字也得是會不會參玄要具通
方眼好向言中辯古今

昔有老宿住菴於門上書心字於窓上書心
字壁上書心字後法眼云門上但書門字窓
上但書窓字壁上但書壁字玄覺云門上不
要書門字窓上不要書窓字壁上不要書壁
字何故字義炳然

昔有兩僧各住菴旬日不會一日相見上菴
主乃問多時不見在什麼處下菴主云在菴
裏造箇無縫塔上菴主云某甲也欲造箇就

師借樣子可不下菴主云何不早道恰被人
借去也

或云區機
山菴主

法眼益云且道借伊樣不借伊樣

昔有老宿云祖師九年面壁爲訪知音若與
麼會將來喫鐵棒扶四有日在又一老宿云祖師
九年面壁何不慚惶若與麼會更置草鞋行
脚三十年

續天童傑舉瑯琊語了云二老宿敲磚打
瓦瑤琊和尚畫虎成狸諸人要見祖師面
壁底意旨麼窮坑難滿

昔有老宿畜一童子並不知軌則有一行脚
僧到菴乃教示童子朝昏禮儀其童晚見老
宿外歸遂去問訊老宿俄然怪見遂問阿誰
教汝童子云堂中上座老宿尋喚其僧來問
上座傍家行脚是甚麼心行這箇童子養來
二三年幸自可憐生誰教上座教壞伊快做
裝去黃昏雨淋淋地被他趨出

瑤琊覺云旣不然且道祖師面壁意作麼
生良久云欲得不招無間業莫勞如來正
法輪

法眼益徵云古人與麼顯露些子家風甚

怪且道意在於何

昔有一行者隨法師入佛殿行者向佛而唾
法師云行者少去就何以唾佛行者云將無
佛處來與某甲唾法師無對

鴻山祐云仁者却不仁者不仁者却仁者
仰山寂代法師但唾行者又云行者若有
語即向伊道還我無行者處來
育有僧到曹溪因守衣鉢僧提起衣云此是
大庾嶺頭提不起底僧云爲甚麼在上座手

裏僧無對

雲門偃云彼彼不了又伐云遠嚮不如親
到又云將謂是師子兒

昔有僧持鉢到長者家偶爲犬傷長者因問
龍披一縷金翅不吞大師全披法服爲甚却

扶四

三十

被狗咬

昔有僧去覆船路逢一賣鹽翁僧問覆船路
向甚處去翁良久僧又問翁乃云你患聾那
僧云你向我道什麼翁云向你道覆船路僧
云翁莫會禪麼翁云莫道會禪佛法也會盡

僧云你試說看翁挑起盐僧云難翁云你喚作什麼僧云盐翁云有什麼交涉僧云你作麼生翁云不可更向你道是盐

昔有一婆供養一菴主經二十餘年常令一
二八女送飯給侍一日令女子抱定云正當
興麼時如何主云枯木倚寒巖三冬無暖氣
女子歸舉似婆婆云我二十年來祇供養得
箇俗漢遂遣起放火燒却菴

昔有官人入鎮州天王院觀神像因問院主
云此是什麼功德主云護國天王官云只護

此國偏護餘國主云在秦爲秦在楚爲楚宮
云臘月二十九日打破鎮州城天王向甚及
去主無對

昔有僧去叅米胡路逢一婆住菴僧云婆有
眷屬麼婆云有僧云在什麼處婆云山河大

扶四

卅一

地若草若木皆是我眷屬僧云婆莫作師姑
來麼婆云汝見我是甚麼僧云俗人婆云汝
不可是僧僧云婆莫混濫佛法好婆云我不
混濫佛法僧云與麼豈不是混濫佛法婆云
汝是男子我是女人豈是混濫

昔南泉與座辦兩分食詣園中管顧園頭食時展鉢次忽有念佛鳥鳴園頭乃敲鉢一下又鳴再敲一下鳴既住頭乃問典座會麼座云不會又敲一下

昔益官會下有主事僧忽見一鬼使來追僧告云某甲身充主事未暇修行乞容七日得不使云待爲白王若許七日後來不然須臾便至言訖不見至七日後復來竟覓其僧了不可得後有舉問一僧若被覓著時如何抵擬他

洞山价代云被他覓得也

昔鴻山會下有僧在山多年一日下山覓箇佳處偶宿一行者家者問上座何處去僧云覓箇住處去者書箇佛字問上座這箇是什麼字僧云佛字者却與妻問這箇是什麼字妻云佛字者云上座與某甲拙室見解一般爭解住得其僧却回鴻山

昔有僧到翠巖或曰石霜相看值不在遂看主事云參見和尚也未僧云未主事乃指狗子云上人要見和尚但禮拜這狗子僧無語後

翠巖歸得聞乃云作麼生免得與麼無語

雲門偃云欲觀其師先觀其子

昔有一婆子臨齋入趙州堂云這一堂師僧
總是婆婆生得底祇有大底孩兒五逆不孝
趙州纔顧視婆子便出

扶四

計二

昔有道士在殿前背佛而坐僧云道流莫背
於佛道云大德本教云佛身充滿於法界教
我向甚處坐即得

昔有一僧還魂云冥中見地藏遂問某平生
修何行業某云念法華經地藏云止止不須

說爲是說爲是不說某無對

昔有僧問一尊宿獅子捉免亦全其力捉象
亦全其力未審金箇什麼力老宿云不欺之
力

昔有施主入院行衆僧隨年錢知事僧云聖

僧前著一分主云聖僧年多少僧無對

法眼益代云心期滿處即知

續保寧勇云只恐施主力所不及

昔廣南有僧住菴偶大王出獵吏人報云菴
主大王來請起主云非但大王來佛來亦不

起王聞乃問佛豈不是卿師主云是王云見
師爲甚麼不起

法眼益代云未足訓恩

續保寧勇云相識滿天下今朝遇一人

日有老宿問一座主疏鈔解義廣略如何主

云鈔解疏扶四解經宿云經解什麼主無對
扶三昔有官人作無鬼論中夜揮毫次忽見一鬼

出云汝道無我灑

續五祖演代以手作鷄鳩觜云谷谷孤

靈隱遠以手加額云何似生

有古德問云我三十年前曾斷一人命根而
今日夜憂愁如何免得

有古德與僧行次見水中死魚乃問魚以水
爲命爲甚却死在水裏

續天龍機代云是伊爲什麼不去岸上死

昔高麗國來錢唐刻觀音聖像及昇上船竟
不能動因請入明州開元寺供養後有設問
無刹不現身聖像爲甚麼不去高麗國

長慶稜云現身雖普覩相生偏 法眼益
別云識得觀音未

昔有座主念彌陀名號次小師遂喚和尚及
其回顧小師不對如是數四座主叱之小師
云和尚幾年喚他即得某甲纔喚便乃發惡
念

宗門統要續集卷第二

音釋